

Na osnovu Odluke Vlade Bosansko-podrinjskog kantona Goražde o donošenju Programa utroška sredstava Ministarstva za privredu Bosansko-podrinjskog kantona Goražde sa ekonomskog koda 615 100 Kapitalni transferi drugim nivoima vlasti (vodne naknade) za 2019. godinu – “Plan i Program utroška sredstava u sektoru vodoprivrede za 2019. godinu“, broj: 03-14-821-1/19 od 03.07.2019. godine, Ministarstvo za privredu Bosansko-podrinjskog kantona Goražde, **objavljuje** :

## **P O Z I V**

### **za podnošenje zahtjeva za korištenje sredstava ostvarenih po osnovu prihoda od vodnih naknada**

#### **I Predmet i svrha poziva**

Predmet poziva je prikupljanje zahtjeva lokalnih zajednica u sastavu Bosansko-podrinjskog kantona Goražde za korištenje sredstava ostvarenih po osnovu prihoda od vodnih naknada, u okviru Plana i Programa utroška sredstava u sektoru vodoprivrede za 2019. godinu, za sufinansiranje slijedećih aktivnosti:

- Izgradnja i održavanje vodnih objekata (zaštitni objekti, objekti za iskorištavanje voda: za vodosnabdijevanje i navodnjavanje, objekti za zaštitu voda od zagađivanja, objekti za odvodnjavanje)
- Izrada tehničke dokumentacije vezane za aktivnosti upravljanja vodama.

Vrijednost Programa za navedene aktivnosti iznosi 200.000,00 KM.

Svrha ovog poziva je da osigura namjenski, planski i transparentan utrošak sredstava, odobrenih u Budžetu Ministarstva za privredu Bosansko-podrinjskog kantona Goražde na ekonomskom kodu 615 100 Kapitalni transferi drugim nivoima vlasti (vodne naknade), u skladu sa članom 57. Zakona o vodama Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 6/10) i Zakonom o izvršenju Budžeta Bosansko-podrinjskog kantona Goražde za 2019. godinu ("Službene novine Bosansko-podrinjskog kantona Goražde“, broj: 3/19), u cilju unaprijeđenja vodoprivredne infrastrukture na području Bosansko-podrinjskog kantona Goražde.

#### **II Opći i posebni ciljevi Programa**

Pored zakonskog osnova, opći i posebni ciljevi Programa su obuhvaćeni Strategijom razvoja Bosansko-podrinjskog kantona Goražde za period 2016-2020. godina („Službene novine Bosansko-podrinjskog kantona Goražde“, broj: 4/16), strateškim ciljem 3: „Osigurati održivo upravljanje okolišem i prirodnim resursima, te jačati komunalne infrastrukturne kapacitete u Kantonu“, kroz mjeru 3.2.1: „Izgradnja i rekonstrukcija infrastrukture za vodosnabdijevanje, kanalizaciju, otpadne i oborinske vode“.

#### **III Pravo učešća**

U skladu sa Planom i Programom utroška sredstava u sektoru vodoprivrede za 2019. godinu, pravo učešća po ovom pozivu imaju Grad Goražde i Općine Foča FBiH i Pale FBiH.

Opći uslovi za učešće po ovom pozivu su:

- Da su korisnici sredstava namjenski utrošili i opravdali dodijeljena sredstva iz prethodne godine,
- Da se radi o prioritetima lokalnih zajednica što svojom izjavom i obrazloženjem potvrđuju podnosioci zahtjeva,
- Da korisnici sredstava imaju izrađenu investiciono-tehničku dokumentaciju, predmjer i predračun radova te konstrukciju finansiranja projekta, ukoliko apliciraju za izvođenje radova po predloženom projektu ili projektni zadatak ukoliko apliciraju za izradu tehničke dokumentacije,

- Da korisnici sredstava provedu tendersku proceduru za izvođenje radova ili izradu tehničke dokumentacije i zaključite ugovore sa najpovoljnijim ponuđačima,
- Da se realizacijom navedenih aktivnosti postignu najveći efekti na području lokalne zajednice gdje se realizuju.

#### **IV Rangiranje i odabir projekata**

Rangiranje i odabir prioriteta projekata, lokalne zajednice su dužne izvršiti na osnovu slijedećih kriterija:

- ispunjavanje općih uslova za učestvovanje u Programu,
- projekti čijom se realizacijom postižu najveći efekti na području gdje se realizuju,
- projekti koji su u fazi realizacije (ranije započeti) i mogućnost okončanja projekta,
- projekti za koje postoji vlastito ili učešće iz drugih izvora finansiranja,
- opravdanost i hitnost izvođenja radova ili izrade tehničke dokumentacije.

O izvršenom rangiranju i odabiru projekata, lokalne zajednice su dužne sačiniti Zapisnik.

Administrativnu provjeru svih dostavljenih zahtjeva za korištenje sredstava vodnih naknada, će izvršiti Komisija imenovana od strane Ministra za privredu Bosansko-podrinjskog kantona Goražde.

Nakon provedene procedure apliciranja, administrativne provjere i selekcije, zahtjevi za korištenje sredstava će biti odobreni nakon što Vlada Bosansko-podrinjskog kantona donese Odluke o odobravanju sredstava, u skladu sa odredbama Programa.

#### **V Obavezni prilozi**

Zahtjevi lokalnih zajednica za korištenje sredstava moraju sadržavati:

- potrebne dokaze o ispunjavanju općih uslova (obrazloženje, izjave i sl.),
- dokaz da su primijenjeni navedeni kriteriji za rangiranje i odabir prioriteta projekata u formi Zapisnika,
- aplikacioni obrazac "OPP" (zahtijevane elemente popuniti elektronski), koji se može preuzeti na web stranici Vlade Bosansko-podrinjskog kantona Goražde.

#### **VI Podnošenje zahtjeva**

Zahtjevi za korištenje sredstava sa traženim prilogima se dostavlja u zatvorenoj koverti na adresu: Ministarstvo za privredu Bosansko-podrinjskog kantona Goražde ul M.Tita 5, Goražde 73000, sa naznakom:

«PRIJAVA NA JAVNI POZIV ZA KORIŠTENJE SREDSTAVA PO PLANU I PROGRAMU UTROŠKA SREDSTAVA U SEKTORU VODOPRIVREDE ZA 2019. GODINU»  
- NE OTVARAJ-

Rok za dostavljanje zahtjeva za korištenje sredstava po ovom pozivu je 04.10.2019. godine do 16,00 sati.

#### **VII Ostale odredbe**

Sa lokalnim zajednicama čiji se prijedlozi projekata prihvate, Ministarstvo za privredu će potpisati Ugovor o korištenju i namjenskom utrošku odobrenih sredstava, kojim će biti preciziran način i dinamika korištenja odobrenih sredstava, te nadzor nad utroškom istih u namijenjene svrhe.

Sve dopunske informacije vezane za ovaj poziv mogu se dobiti svakim radnim danom putem telefona br: 038/228-256 od 08,00 do 16,00 sati.

mr.sc.Mensad Arnaut